

西
江
詩
話

西江詩話 卷八

香坡裘君弘任遠輯

費宏

文憲公摘稿二十卷伯子懋賢校徐華亭階爲之序凡詩四百五首文四百十篇

及第紀恩云。鵷班濟濟聽臚傳。驚喜龍頭屬少年。明主拔才真十五。寒儒對策愧三千。百官拜舞天心悅。六字親題御墨鮮。觀榜共隨仙樂去。文星燦爛曉雲邊。一有詔南宮宴茂材。主筵仍遣上公來。

言
六
女
需雲散彩浮瑤席。湛露分香溢玉杯。天近帝居春
似海。樂兼蠻部鼓如雷。宮花斜壓誇冠重。知是瓊
林醉後回。

贊善楊知休母李夫人司徒莊敏公配也時慶八
表文憲以詩賀云春風送喜入華筵百福誰如阿
母全軒並三魚驚疊籠雛將羣鳳愛孤鶯蟠桃初
見開花日儻李仍逢指樹年高會不妨鮮屢擊朝
官留得賜時錢

和內閣賞芍藥云好花開向禁城陰咫尺天高雨

僊三摹寫幾經元老筆栽培要識化工心名從小
詩詩中著品入維揚譜內尋得奉宸遊許同賞徘徊
韻險不辭吟

公一日侍經筵講論語舜有臣五人及臯陶謨天
聰明二章文華殿門外盆菊甚盛一牌繫其枝題
曰黃西施故公有詩云講殿陰森黼座高朝回母
乃聖躬勞。儒家論治先堯舜。帝代陳謨重禹臯。啓
沃心存還自愧。遊歌地切幸親遭。裁詩記取深秋
景。黃菊當階映赭袍。

弘治已未禮闈有三金甲人長丈餘者立至公堂
階前忽大呼曰三人好作事遂去及宸濠之變孫
許靖忠於前王陽明討平於後三公者皆是科所
得士也始悟三人作事之應文憲公聞濠就擒有
詩二首志喜云中丞有力正乾坤四海方知一統
尊已痛湖波成赤水久疑日食似黃昏甲戌八月
辛卯朔日
食晝晦鷄鶩皆歸其占爲諸
侯謀王其國不昌終受其殃諸君幸免長從戍百
郡仍看早啓門更祝天王憂社稷莫教愁亂向兒
孫一折展呼聲不自由馬軍持捷過滄洲稱兵誰

政使金闕拜表還應賀玉旒天上飛龍須有象
中饑風定含羞也緣孝廟栽培久報稱今多第一
流又用韻哭孫都憲云爲臣但識義當由誰問朝
王忽起洲一死已堪扶社稷孤忠自合動宸旒奸
雄旣敗應追憶懦豎雖存不掩羞髣髴英姿猶在
日西風老淚幾行流蓋會城西有洲名朝王時忽
湧起無識者或附之以爲異徵逆謀益甚旣敗始
識天縱其殃而一切讖記瑞應之諛皆不足信也
哭許憲副云龍戰疑陽血染坤忠臣事主有常尊

舌能罵賊生難屈。髮欲衝冠死未昏。卽擬旌賢崇廟祀。向聞憂亂憶衡門。妙年英譽傳千古。公是睢陽幾世孫。蓋前一歲唐侍御臣。過南昌憲副極言地方必亂。慨然有挂冠之志。比罵賊死。猶挺立不屈。年僅三十有七耳。讀文憲公諸作字字的。切可稱詩史。時公已謝政里居。而忠君憂國之意。溢于言表。真古之社稷臣也。予于敬恭錄宰相表末。僭論云。後之君子有天下。已任之志。其以楊文貞彭費兩文憲爲法。而可蓋不禁有尚友之思云。

喜林見素入朝云端笏雍容造泊朝出塵仙骨自
飄飄名高涑水難居洛憤切昌黎昔貶潮龍臥九
淵應念歲鳳翔千仞待儀韶清宵莫作雲庄夢士
望從前極斗杓

漸家口云水淺舟行緩春深關正長暖風喧鳥雀
平野散牛羊鄉國頻延頸農家欲種秧歸田無別
夢念念在耕桑

壽西涯二十韻典麗得臺閣體然絕不呆重如聖
主虛懷諮壽俊後生翹首仰英賢鳳情孔思才難

及杜斷房謀史必傳從龍屢與時乘會鏘馬頰蒙
晝接專早用作霖無赤地功看鍊石補青天鼎味
調和金飾鉉心源澄澈玉爲淵炬蓮曾照罌恩外
班笋高依黼座前一寸丹心常捧日數莖華髮未
盈顛筆端力可千鈞幹門左弧當六合懸蟻泛醉
容傾舊醞鶴飛歌許和新篇相如莫問形容異李
泌休論骨法堅等句皆清穩可誦非同剪綵拾翠
之作

坐愛煙梢侵竹几行看露葉拂荷衣

句

陶叟白蓮

難入社杜陵赤甲可遷居句治生不用陶朱特扣
角誰歌甯戚牛句

費 案

字子和號鐘石文憲公弟也廷對進士第二歷官
禮部尚書贈少保謚文通初入翰林文憲在政府
以詩志喜有登瀛妙選重當時羸得人呼是白眉
天上自連鴻鴈影池頭又借鳳凰枝之句既文憲
秋丁代祭案以宮寮分獻作詩紀事云曉殿親承
制語傳步隨相履出文淵衣冠競美聯兄弟俎豆

真誇對聖賢。導燭兩籠明。陟降奠尊三宿重。依瞻歸來馬上拈新句。涼露清風月在天。後繼文憲爲宗伯。知貢舉。登明遠樓賦詩云。五色宮袍照晚霞。百年棠棣憶春華。空中樓閣心如水。鏡裏黜名鬢已花。衛士戒嚴人語靜。詞鋒酣戰夕陽斜。卽看賢俊登新錄。還喜文章屬大家。時人莫不以爲棣萼之盛事云。

公自安福。循循遷居後府後巷。是夕夢人贈蔗二枝。李自石姊丈解云。當生庶子。未幾長子懋學生。

用杜韻志喜云呱呱聲起鬧寒牀騰喜鷄雛作鴈

行徙宅夜曾占蔗夢浴湯秋果試蘭香

九月生

杯盤

送客供新餅襁褓從人覓舊裳萬里作書歸報母

慶流自信是源長

蔗夢可添入故事生子類一則

雪中迎駕晚歸云紛紛雪色滿瑤臺簫鼓聲喧翠

輦來瑞報年豐符版築寒銷春釋愜宸陪落花拂

袖千官擁碎玉翻蹄萬駿回朝罷不須籠燭引月

華初向五雲開

同民受姪小憇含珠山道菴云今雨重來憶昔年

佛燈曾此照書編一尊命駕慚非籍兩屐登山喜
共元犬詫故人還嗅袂馬諳舊路不須鞭道人恰
似知消息煮茗先騰一竈烟

廷試日東閣候讀卷次桂洲韻云坐聽曉漏傳高
閣引領羣英入禁庭文曲一星隨大老朝堂九棘
聚名卿玉皇有道問猶下黃閣無私風自清碌碌
慚予叨素飽敢云桃李是門生

霞緋賜寵明袍綺露液分香送酒盃官府清嚴真
上界文昌光彩卽中台三千會裡緣初結十八年

前夢已諧隔簾午色翻紅藥入座春陰散綠槐
畫吏定傳南極老詩翁先頌北山萊皆壽蔣閣老排
律中警句

蕭子鵬

宜黃人少厭舉業師事吳康齋後聞陳白沙得吳
真傳遂卒業焉白沙竒之別歸贈以詩云玉峽蕭
郎海上來海邊雲氣擁樓臺峽中亦有樓臺擁始
信蕭郎海上回成化中詔求遺士補嘉興教授平
生長詞賦一時膾炙有雲丘集嘗演天地自然圖

又著有太極說云

羅玘

送南城鄭邑侯之任云夜風爆屋角穿隙鐵衾冷
君心去如飛脂牽覺僕猛遄歸拜松楸此味未雋
永安知凋瘵邑萬室坐深窵餓虎吞羔豚饑蛟食
蠹尾章甫以屨苴縫掖今裸裎善人噤吞聲有若
物在哽跼躅無控訴空餘列行省常虞潢池中竊
弄在俄頃牯童與殲豕絕不以力逞君行納吾污
此實邦邑幸

先生嘗遊興福寺見斷碑剔苔乃南豐兄弟詩讀
之二十年矣後選部夏東洲良勝到寺仍讀之督僧
求題先生賦七古一首云木角二通佛日高傳呼
有客來天曹二三騶騎餓欲踏主人氣壓千夫豪
手持長鑿獨兩廡古碑則有天我遭尚書古文出
孔壁大食空貢大寶刀洗磨碑合信口讀無嚴先
哲空莊騷庾僧炊燧出盂飯兩豆踞進純溪毛掉
頭不住上馬去卻呼僧語隨雕尻僧言圭峯老癡
伯病牀去此纔九臯十年未病頗搔括如以絲鹽

手所繚敢言伯仲見伊吕子也天分饒貶褒再麾
僧歸取舞筆僧曰丐彼徒噉噉豈知南豐世家韻
中夜夢見踰垣逃獨羞臭味不同器新法首和仲
也饗天曹陽秋太阿柄既死諛鬼仍烹鑿顧僧丁
寧知我語史律高築嚴城牢美言一經掩穢行錦
裾偏與淫人韜僧頑如石百不喻頂硯啣筆鳴聲
號疋羸痿痺指嚙強心欲注瀉誰揮毫燈龕明滅
山月入蛇挂佛頭颺颺禪宮風露倍剝蝕僧汝
歸去耬蓬蒿

圭峯詩文氣格高邁筆力奇古有俯視一切之概
讀二詩已見一斑矣

字景鳴南城人成化進士贈吏部尚書謚文肅

羅汝芳

遊從姑一絕云松柯梅榦匝山腰翠結光寒夜未
消好約仙人王子晉月明堂上共吹簫

字惟德南城人嘉靖間大儒門人私謚明德先生

徐瓊

金玉臺懷古云三十侍彤闈大隱玩朝市矧乃赤

松遊足抗青雲志風流非外獎炯介敦明懿層阜
俯迴谿自古稱竒麗朝暎彩鷁明夜魄潛虬蟠孽
古悵悠哉風景忽云異金柅亦以蕪金隄亦以隤
誰使白渠成慰我滄洲意

瓊字時庸金谿人天順丁丑榜眼官禮部尚書有
東谷文集爲人恂雅長者羅圭峯稱其量宏而無
量名文優而無文名書善而無書名謂之三不近
名云

戴珊

野翁亭云白首耽儒術。逃名自野居。浮雲看富貴。
醇酒戀樵漁。西澗孤松月。南陽一草廬。樊籠何日
脫。雅趣共琴書。

公引退不得嘗私懇劉忠宣曰珊老病子幼萬一
客死異鄉目不瞑矣公同年好友受知主上獨不
爲我一言乎旣忠宣從容代陳孝宗益推誠置腹
溫旨勉留公始泣曰吾不得還家矣是詩之作其
殆有林下之思乎

建德道中卽事云一舍西來路停驂日未斜雲山

濃澹處。茆屋兩三家。士俗憐從儉。方言認不差。洒然心對月。竹影上窓紗。

字廷珍。浮梁人。官左都御史。謚恭簡。

徐霖

字用濟。金谿人。成化進士。爲嘉興守。致政歸。屢薦不起。吟詠甚富。著有別齋詩集。

冲雲院云。綠樹清波落景涵。石磯雙鏡夾寒潭。千林橘柚居民樂。十里風烟瘦馬堪。芳社勝遊誰慧遠。恒沙餘劫此瞿曇。江湖行脚真成懶。蔬笋盃盤

分自甘

孫 需

五代有徐公者脩真德興之龍潭潭深莫測旁一
巨石常坐卧其上貌如四五十歲妻亦如之忽一
日別衆夫婦乘龍入潭歲早遠近禱者投疏入水
蛇虺浮上請去輒雨或疏有誤字卽泛出不納宣
德間孫清簡公需方爲諸生往遊潭側投詩詰之
云塵世仙家兩隔離遙瞻白鶴舞東西月明瑤草
光浮洞春暖桃花香滿溪兩字功名垂竹帛千年

履跡印苔磯不知羽化何年代致使凡人心自迷
頃之潭面有詩浮出云五代興亡正亂離新安一
瓜到江西家君樂道居汾水大叔傳芳住栢溪猶
子宦遊黃菊徑老夫垂釣綠楊磯自從背母朝元
後春復秋還天地迷

需字孚吉德興人兵部尚書原貞孫也登成化進
士累官吏部尚書

彭時 弟華

安福彭文憲公時字純道正統戊辰狀元弟文思

公華字彥實景泰甲戌會元先後入內閣雖久暫
不同兄弟並以年少竒才射策殿會分占第一旋
登揆席科爵之盛海內艷稱焉越百年後齋裒兩
公詩文梓之題曰二文合集吉水劉狀元爲序畧
曰兩先生卽不以詩文顯固自足傳以詩文顯矣
卽不必窮而後工能道羈臣寡婦之所思而寫人
情之難言亦自成天壤不敝之業乃今讀所撰著
其大者憂盛危明次亦清廟明堂之奏卽微而登
臨贈答未嘗不與夏雲秋水同其高潔云

吳錫

字用庶金谿人永樂間官國子學錄上醴泉詩五十韻賜傳還南著有時雨集胄監長編

廖紀

字惟脩九江人弘治進士歷官廣西副使有圓通寺一律云得道高僧了不羣可堪禪客遠相聞齋心自許同天住按指猶能解世紛花繞塔前常作雨磬飄空外半和雲何當了卻人間事閒伴蒲團坐夜分

鄭毅

字立之上饒人弘治進士官兩淮總督著有岩山詩集

夏尚朴

字敦夫號東岩廣永豐人正德進士出守惠州半途聞上官驕倨即日投劾反山中嘉靖初起山東督學遷南僕少與時宰不協力求去以歌咏自娛嘗有松溪一絕云風潭百尺水溶溶潭畔亭亭萬樹松坐待夜深明月上一溪寒影走虬龍

熊茂

字士充豐城人弘治鄉舉官陽江令自號清臞子
能詩有雉飛集

孫治

字五美清江人成化進士知臨淮以剛直棄官歸
有桃花源絕句云千樹桃花不謝花玉樓金殿鎖
烟霞人間甲子君休問蓬海如今漸見沙

周季鳳

釣臺云明月灣頭路清風井上絲乾坤才此老風

節是吾師脩水千年跡崇臺兩字碑祠堂枕江岸
古木正參差

季鳳字公儀寧州人弘治進士官刑部侍郎謚康
惠

陳良頤

高安人隱居不仕嘗託貿易往陝途遇暴客良頤
幸先脫乃罄所有脫其同侶被執者卒不受償其
好義如此比卒清江孫治爲詩挽之云風度清真
東晉上詩篇卓絕盛唐前以此知其能詩不僅以

義俠著也

桂榮

懷玉 山古詩云昔上三青望懷玉石龍迢遠驚飛
伏烟霧浮動紫翠間應有幽人住空谷使君愛我
携登山初夏秧田正抽綠岡扉掩映護藤花澗道
紆潛響晴瀑拾級懸登二十里捫蘿躡磴超林麓
飛身深入天寨門別是乾坤開卜築遙望宮牆數
仞高百年往事今恢復峯尖森聳削芙蓉桂影扶
疎散金粟點瑟回琴鳴溜泉禹疇義畫分疆局虛

堂深處揖高風流盡煩襟出新沐
月中庭最可人豈是當年棲老宿
一宵相對清心魂卻愧來遲我獨鹿

榮字君用上饒人嘉靖鄉薦歷官
監察御史善詩歌有詩一卷傳世

彭福

字綏之號懶農樂平人成化進士
知泰州以剛直罷歸縣當大造其子
屬司書者飛稅他戶福知之延司書
者飲戲贈詩曰洛陽城中桃李花
飛來飛

去落誰家答曰舊時王謝堂前燕飛入尋常百姓家
家福曰既不飛上天飛入地不過飛入百姓家耳
安忍爲此乃爲詩謝之曰洪水推沙塞兩涯推來
推去只交加誰知二世宮中鹿走過劉家又李家
飛稅竟止

廖森

贛郡西隱山有大觀亭成弘間贛令何文縉建文
縉嘗與貢士廖森呂禎同遊聯句頗佳詩云地僻
蹄輪少雲深草樹平落花千萬點啼鳥兩三聲石

磴緣春綠山樓倚暮晴林臯下寒日烟黯百層城
森泰和人成化甲午鄉貢官涪州守禎未詳

羅倫

一峯先生大秀宮詩云野仙臨玉筍引袖拂天星
侍立雙童小看山隻眼明洞雲含雨潤鶴夢帶烟
醒自歎羅浮客春杯溢四溟王陽明先生和云茲
山堪遯跡上應少微星洞裏乾坤別壺中日月明
道心空自警塵夢苦難醒方嶠由來此虛無隔九
溟又溢峯山一絕云一柱東風戀紫霞數聲雞犬

也。仙。家。春。風。不。與。人。分。破。添。得。碧。桃。無。數。花。

羅洪先

遊浮洲寺云湖邊草深烟欲生湖上風吹雲倒橫
今我作客發清興有人奏笛來幽聲青天落水低
樹合白鳥弄波斜日明蕭然對此亦何意枕石讀
盡南華經

謁濂溪祠墓云匡廬開曉霽懷古見芳襟溪水清
堪溯林風靜自吟山如蓮乍發庭與草俱深此日
生芻蕘還同執贄心

午日青原山中同善山晴川東廓明水諸公燕叙
賦詩云一徑穿雲萬木深高崖曲檻畫蕭森同心
人與蘭薰對多病身逢艾節臨自笑行踪經石骨
誰從聞性辨鐘音年來漸識窓前草不借菩提樹
下陰按文恭公之學雖從傳習錄入手其實後來
節自有所得于日用踐履上工夫不淺或有疑公
近禪學者可以此詩正之

元潭二絕云青山隱約霧中看黃葉蕭疎夕照殘
喚得漁舟來借渡隔江人影在欄杆一野竹蕭蕭

水遶村柴門半掩欲黃昏鐘聲乍起林煙合沙際
漁燈照浪痕

熊卓

熊樞部人霖刻士選侍御集序畧云往讀空同集
數稱熊士選侍御已于皇明詩選中見其詩清健
蒼莽學少陵而時似襄陽歸然詩人之魁杓也每
索同宗不能得全本比得張惟靜正卿所刻百九
十九首視空同刻再倍矣當空同官吾省時侍御
墓草方宿何所存董爾甚矣空同之愛人以全瑜

也精細言華惟其有之是以袞之哉至弇州寒蟬
乍鳴疎樹早秋之評殆攬衆卉而目之未足爲蘭
秀菊芳之定論也近人俎豆少陵頗貌其莽莽蒼
蒼而不能肖其清健侍御當孝宗朝稱骨鯁臣歷
正德昏掾竊柄孤憤昌言不啻淮南之攝汲黯是
宜與空同諸公同黜也江潭憔悴竟不起天可問
乎少陵在天寶間此物此志存百九十九首以續
九歌九辯之遺音當無媿也

士選豐城人

鄒守益

武功山遊機心潭及龍潭云石函鑿玉匣奔流太古雪下有雷霆鳴飛鳥不敢越攀蘿往從之路滑足屢蹶斬菅坐磐石神魂自清潔機心從何來乃爲此潭湟朗咏侑行觴不知月已沒諸生步更健魚貫升巖業遙尾猿猱跡直犯蛟龍窟瀑布九天來四壁如削鐵濺注雲氣腥陰風竦毛髮歸來手指畫霏霏如玉屑逝將洗塵慮共飽深石蕨靈山久有聲勝事多未發短歌挾竒跡聊用俟來哲

宜春臺二絕云高臺俯瞰萬家春帶雨穿雲更可
人四顧峯巒如浪海中流屹立自嶙峋一優詔歸
來又十年愛山不用買山錢興來欲啖安期棗笑
問山神借鐵船二

東廓先生安福人正德辛未會元謚文莊

袁魯訓

字宗道萬載人少有詩名嘗賦桃花馬詩邑令竒
之後登成化進士官行人歸老和樂園慕彭澤風
節值六柳以自娛因號六柳居士

萬虞愷

山中早行云攬衣中夜起秣馬早鳴鞭殘月不照
地明星猶在天出門頻問曉歷澗暗聞泉翳翳東
林外山雲雜隴烟

秋夜華戶部邀飲琵琶亭云月滿新秋夜潯陽引
興賒故人陳祖帳約我看琵琶江濶吞三楚山高
接九華君才能作賦赤壁底須誇

鵝湖舟中卽事云八月尋幽偶泛槎水邊茅屋十
餘家家女兒能盪漿爭入殘荷拾落花

字懋卿號楓潭南昌人嘉靖進士仕至刑部侍郎

徐良傳

字子弼東鄉人嘉靖進士官吏科給事中少有盛名館閣諸公屈指人才必首良傳焉

千金堤權歌云長樂長寧幾萬家不栽桃李種桑麻使君挽得天河水散與東風灌稻花一黃塘口外棹歌收坐看巴華幾派流疊鼓正翻獅子峽鳴笳已近虎頭洲二

雲谷浮洲望諸山時老僧病起相迎漫成一絕云

天際樓臺半有無
靈芝風雨隔東湖
看山道士芒鞋綻
卧病維摩竹杖扶

舒化

字汝德臨川人嘉靖進士在諫垣著直聲歷刑部尚書謚莊禧

千金坡云天源紆繞護江城
南粵飛龍水界平
上下魚鱗千舫合
縱橫鳥羽一帆輕
豹嶼坐轉星槎
近半角騎遊雪浪明
四百年來豐樂地
何當重醉
傍沙行

簡紹芳

號西魯新喻人弱冠遊滇南題詩山寺楊升庵見
而異之使人物色遂訂交焉晨夕與俱升庵多藏
書紹芳一覽輒記談應如響滇中唱酬紹芳爲最
後歸隱家山升庵送以詩曰金蘭意氣昔論文晏
坐朝霜竟夕曛千里馳驅來爨道十年羈旅共滇
雲交遊落落晨星散蹤跡悠悠逝水分江北江南
從此別何時何地再逢君紹芳歸未久卒著有西

魯聲竊集

劉應麒

字道徵鄱陽人隆慶進士歷官兵部侍郎以清節
著撫吳時廳事間題一絕云來時行李去時裝五
夜青天一炷香畫得海圖留幕府不將山水帶還
鄉其廉介風流可想見矣

秋日同友泛東湖八韻云剩有南樓興還登湖上
舟晚涼堪衣袷柔櫓不驚鷗月出輪猶漏波搖岸
欲浮吳歌聞白苧楚舞見青樓縱飲愁瓶竭追歡
逼夜道漁燈疎欲滅河影澹將收老去稀同輩歡

來緩獨憂自憐遲暮日得逐少年遊

襄衍

字汝中號魯江雙溪公仲子余五世從祖也正德
丙子舉于鄉丁丑報罷入南雍值宸濠之逆義心
憤激詣司馬喬宇請爲鄉道時上游信急人心皇
皇聞者莫不股慄公慷慨戎服登舟灑酒臨風都
人士壯之旣次九江濠已就擒巡按御史唐龍嘉
公志節下檄獎勵有云奮班超投筆之心爲祖逖
濟江之舉雖賊已先擒成功未有所逮而義能自

効大節誠足深嘉又云將來必有正大光明之業
爲名節忠義之臣士林以爲寶錄後歷工部都水
郎致仕與羅念庵魏水洲諸君子切劘不倦詳見
志乘理學傳公著寤歌亭稿譚性命經濟多深造
自得卓然有用之言爲詩清逸疎暢真意從胸次
流出絕不依傍門戶惜鋟板燹于乙酉之亂印本
家藏僅一部余尚及見頃復爲族子傳借不謹散
失數冊其詩歌古文皆不可復得所有安峯紀遊
一詩載入新建縣志者今錄之以存吉光片羽云

安峯在西山其奇秀爲蕭峯之亞孤峭入雲宛若
削成土人呼曰安峯尖距余家三十里許每門外
一望暮靄朝曦若几席間也公詩云羣山倒插青
芙蓉嵯峨突起稱安峯瘦筇抗策躋徑仄輕裾蕩
漾天之中飛雲駕海鶴落日吹山風霧蓋黃塵棲
孤城遠近漭蒼山河平舉手濯雲漢日月脚底生
瑤琴一奏陽春曲萬壑泠泠碎寒玉紫簫聲斷下
青鸞碧落烟消舉黃鵠神仙渺茫世難續藥苗滿
地抽新綠閭閻撲地億萬家村半是逃亡屋懷

山襄陵河患酷逋負猶催聞野哭青苗當錢輸舊
租眼前瘡好剜心肉旌陽原是西山客袖裡丹砂
能點石願將大地作黃金饑者得食勞者息我登
此峯初束髮重來兩鬢半垂雪山青不改昔時容
依舊巖花傍明月光景能幾何壯志今蹉跎蒲觴
泛醪醪亢亢發浩歌浩歌度與清風去窮崖陰谷
回陽和大舒無極眼世事皆浮漚何時再上泰華
頂下視此峯峩兀如卷阿讀此詩則公之懷抱可
想見矣

喻均

吾邑北鄉多許旌陽遺跡後人因以名其地有曰
久駐者相傳旌陽訪道所經愛其風氣攸鬱徘徊
不能去爲駐馬者久之故名有曰權頓者距久駐
二里許旌陽小憇其處輒命駕去故名有曰暮投
者由久駐而南停車延眺至則暮矣遂投宿村中
故名明隆萬間里人喻憲副均序而出之各紀一
絕久駐云不愛溪山好能勞久駐車彩雲長不散
猶自護吾廬權頓云當年聊息足亦復留其名儂

駕已寂寞鸞鶴有遺聲暮投云此地只茆屋神仙
何處眠日夕登山望山山生紫烟久駐之西又有
曰穆王井者舊傳周穆王南遊飲馬處也喻亦紀
詩云爲有寒泉井曾邀八駿過君王不可接惆悵
對山阿

均字邦相號楓谷隆慶進士官天津兵備著有括
蒼雲間蘭陰虎林仙都等集歸里後又著前後山
居集同年鄧文潔公稱其詩則盛唐之遺風云

樂鏜

字用鳴新建人嘉靖間以祖勲世襲指揮僉事喜
爲詩與余憲副德甫往來酬唱一時名流雅重之
有詩集二卷其仲子岳州守繼同刻于官舍大學
士李春芳序

夕佳樓曉眺云五月南風吹客衣江城野色動郊
霏白雲天畔連山渺青草堤邊帶雨微一笑風塵
同鹿夢百年踪跡付漁磯年來避暑重登此河朔
于今願不違

登望湖亭云吳城高閣俯青鬟萬頃鄱湖一望間

積雨滿天雲黯黯長風吹浪水潏潏魚龍夜宿孤
根沒鸛鶴朝飛別浦還細讀坡翁亭上句始知此
地有仙顏

周業孔

安福人嘉靖鄉舉官郡丞遊東樵書院有詩云車
馬全非郭烟雲半是村雙池平抱戶一徑曲通園
柳樹搖書幌梨花落酒尊七年經史意重得細評

論

孫開

豐城人出處未詳亦不知朝代新建志載有望城
庵詩二首其一酬宗良王孫見寄宗良疑卽朱多
燼字則開其嘉靖間人也望城菴在沙井與章江
門城堞相對詩云試問藏各地無如此處幽梁間
棲野鶴樹杪出行舟朗月千峯照寒泉百道流寄
言方外者莫獨戀丹丘一空門學法禮文殊山色
巖崿石磴紆半嶺松風凝碧落一江水月浸平蕪
花宮清梵微微度玉宇寒烟片片孤讀罷淮南招
隱賦可能珍重勝尼珠

張 鏊

字濟甫南昌人隆萬間官至尚書有堯山詩云松
檜參差石磴斜遠山飛錫便成家鶴巢上界依仙
頂龍叩諸天問法華故國風烟聊倚杖當年翰墨
且籠紗定鐘何處仍回首明日白雲江上沙

紀振東

甌甓洞續稿

武昌吳國倫著

有北使稿序畧云在予以計

吏再入京蓋聞有金臺十八子云十八子詩傳自
信州紀振東旭仁氏吾友王世貞雅其志而叙之

旭仁故佳公子又數年旭仁官矣頃予過五羊旭
仁謁余曰不肖豈能久事馬蹄間顧聞子且來不
欲遽去使得席五嶺杯重溟以與子周旋稱詩雖
雕題鑿齒吾厭之矣而又何以家爲今年束其北
使諸稿示予予觀其宜幽寄賞觸景爲情弗滯于
思而其辭澤弗膠於體而其節調庶幾窺風人之
旨而自得焉視夫劇目鉢心寒膚慊腹而後就者
卽淺深無論而甘苦較然矣

萬 恭

逍遙觀在南昌三十六都相傳王郭二真人憩息處里人司馬萬兩溪有詩云天風吹落步虛聲龍鳳光騰薄太清松里似通槐里氣逍遙長掛萬年青司馬字肅卿嘉靖進士兩溪其別號也

玉隆萬壽宮許旌陽故宅址也東有古樹高可數尋風霜剝落竅爲虛中可容五人外一竇可俯而入也公嘗偕李司寇遷吳司空桂芳李學使遜往遊焉公獨危坐樹中仰視竅光旁睨層障詫爲竒絕因倚而歌曰煉得身形似鶴形古松枝下兩箇

經我來問道渾無說雲在蒼天月在坪歌畢而出
餘聲在樹公笑語三人曰此于敬之先生固入其
元牝而鳴其仙籟者矣見公自誤玉隆宮碑記然
余讀葉石林集石林謂唐
人李習之文辭高古然不長于作詩故集中無傳
惟傳燈錄載其贈藥山僧一篇云鍊得身形似鶴
形千株松下兩箇經我來欲問西來意雲在青天
水在瓶與公此歌只差數字豈公有意舉習之舊
詩爲歌耶抑偶然與古暗合
可惜不得起公于今日質之

吳 璣

字懋榮康齋子也九歲能詩下筆驚人少侍康齋
應名朝貴喜其儀度峻整言論端慤欲留國學待

用以親老辭歸後累薦不就自號芸雪著有芸雪集

陳昂

字爾瞻本莆田人隆萬間避倭亂携妻子家南昌旋募匡廬之勝居於琵琶亭側以織草履爲業或爲人卜得錢輒沽酒凡匡廬幽險處莫不登覽遇商舟爲傭造夜即躡峨眉絕頂又返九江數年卒善詩以右丞工部爲高曾詩亦肖之咏匡廬者數十章鍾伯敬刻爲白雲先生集

烏晶道中云地至幽沈處林清雲亦清閒猿經樹
掛馴鹿雜人行山疊千層翠泉分百道聲欲除雙
鬢雪多采太陽精

張希舉

南昌人嘉靖進士官方伯題憑遠樓一律云岑樓
高架鬱嵯峨幾度凭欄發浩歌春樹鳥聲當戶巧
夕陽山色捲簾多花迎玉勒含烟霧酒泛金尊醉
綺羅自是梁園知好客不妨車馬日相過

張春

字仁伯新喻人嘉靖丁未廷對第二官侍讀以忤時相掛劓歸優游林泉三十年有德興寺詩云樓臺鐘鼓報新晴又是城南一度行剛到閒時身已老未曾經處路猶生平沙遠水如天色落葉疎枝似雨聲欲問郊園幽寂地野橋山寺德興名

鄉善

號穎泉文莊公第三子德涵德溥之父也嘉靖進士官太常卿嘗登武功山有詩云爲愛秋濤生曉日三更振策上層峯澹雲時露天邊岫積霧還棲

醉瑤塘虛有晚霞封霓裳不見梨園曲愁聽秦箏
襍野蛩其他佳句甚多惜其集殘闕無完本云

劉 頴

字時秀臨川人正德進士爲御史以議禮受廷杖
著有小選集

卽席次李空同擬峴臺韻云古臺何岩岩莫此荒
城曲溪流宛周遭原谷紛糾屬使節自天來旌旄
隨風逐嚴令肅高氛清旭曠遠矚孤鶩迅雙鵬際
海極一目清嘯發雲端遺響振林木百年誰幾人

會此歧華躅洗解挹元漿大斗從屢覆論文邁往
先得句厭巧速寥寥二雅音無乃今見續

祝世祿

芝郡天王寺在南保坊南堦德興祝尚寶世祿有
詩云半榻松雲對鶴眠浪疑人在蔚藍天風林不
秘聲聞法甌水瓶花裊篆烟世祿字無功萬曆進
士工詩善草書

又有春遊一絕云溪山春正半載酒鳥邊亭取醉
非吾事乾坤忌獨醒

朱多燼

明宗室也家南昌有遊玉隆宮詩云西山迢遞隱
仙宮誰信人間有路通忽覩樓臺蒼靄外似聞雞
犬白雲中石幢苔滅三天字礪道霜彫百尺楓靈
跡祇餘丹井在清秋吟望意無窮

時南昌宗室又有字貞吉者忘其名亦能詩與弁
州諸公唱和吳明卿集中尤多蓋用晦宗良之亞
云

余曰德

字德甫南昌人嘉靖進士官福建副使工詩王元
美李于鱗咸奉盤匱焉晚結東湖草堂嘯傲其中
吟諷無虛日宗伯李春芳曰大江以西詩派遠且
廣矣而歷下瑯琊獨推轂德甫先生爲雄長隱然
若一敵國云

題蘇公祠云雲卿管樂流世運屯不返托志遠行
邁結廬東湖苑綦圃日芟藝業屢繼宵捆拮据良
苦辛心迹棲自穩故人據高位書辭誠欵懇置之
了不問咎歎聲隱隱滅跡不終日無亦鑿坯遜黃

鶴摩蒼穹羅者空悲惋

朱多燧

字用晦南昌宗侯也善詩與弇州于鱗明卿輩詩筒往來尺幅推獎殆無虛日詳見三公集多燧築芙蓉園距余憲副曰德東湖草堂甚近每花晨月夕名曰德及宗人多熾吟諷其中弇州記之或以此淮南叢桂云

張位

張文端公罷相後多居桃花嶺在西山之麓距會

城五十餘里四面如桃花突然拔起不與衆山連
屬最爲秀倩上有石屋亭臺皆文端所築松陰數
畝脩竹千竿夏月婆婆可以忘暑公詩云家住杏
花村身寄桃花嶺日月幾能閒烟霞此宜靜西風
騰萬馬南州任千頃後擁七星墩前噴靈源井春
風絳萼穠秋色翠華靚筠颺送鸞笙松月駐鶴影
紫陌苦塵勞丹丘樂眞景翛然不繫舟一笑乾坤
永

公第在東湖杏花村構有杏花樓

村構有杏花樓

石頭渡在城西北十里卽晉殷羨投書渚也春夏

水漲汎溢山礪行旅苦之公倡捐築堤直接章江
寺又造橋數十丈名曰石鎮車馬往來遂爲南北
孔道題詩云投書傳舊浦題柱有新橋烟嶺層層
秀晴川叠叠朝靈沙形蜿蜒古塔影峩南北長
虹鎖魚龍不敢驕一隔浦千峯翠沿堤萬柳青波
浮獅象石草滿鳳凰汀綠酒舒長嘯紅塵訝獨醒
江頭新景好遊客去還停獅象山名
鳳凰洲名
香城寺云嶂合疑無路雲開別有天松巖飛曙雪
石澗注鳴泉境僻稀來客心空得上禪簫壇霞縹

緲隱隱鳳笙傳

洪崖瀑布云曲澗開丹井懸崖噴雪濤一羣清鶴
舞千尺玉龍翔豈信喧常寂翻疑靜轉囂尋源不
可得空望白雲高

江天閣云片帆烟雨暮湖間山在江心樓在山波
影垂寒新石塔鐘聲破寂舊禪關好風當面雲明
滅流水何情客往還樹外夕陽城市近喧闐車馬
抗塵顏章江寺云十里神臯控上游五陵佳氣鬱
葱浮鳳凰洲昨王孫草鷗鷺沙邊帝子樓風散嵐

光喬嶺出雨添潮勢大江流名航利舶爭來往羸
得閒人眺望收

公字明成新建人在翰林應制詩文不忘規諫萬
曆中拜武英殿大學士宣城臨川二湯其門生也
故遊桃花嶺者有詩云當時開閣重文章點綴風
光有二湯山色至今懷相國桃花依舊晉漁郎

湯顯祖

青雲亭上作云孤坐翫元滌風標好弘獎遠懷塵
外踪乍此堂中賞亭隧遠阡綿川臯歷遐廣曖曖

見人烟蕭蕭覺林響野牧散堦堤巷犬鳴虛壤綠
水閑荷蕖原畦半菰蔣南郭坐來青西山幾時爽
雲深山鬼暗風輕谷神敞虛奠故有造寂靜寧無
想青雲恒不銷白髮偏能長未獲了明窓難辭嬰
世網故物豈重來幽人自茲往

西池望二仙橋云池上映秋光登臨愛夕陽鏡中
蒲柳色衣上菱荷香聽雨初留屐當風一據床倚
蘭筵客語脩竹以隣芳紫翠連山暝青陰隔水涼
坐看人世小仙馭白雲鄉

白水云庭光欲盡山明歸古木溪頭燈火微客子
行舟隨地轉閨人破鏡一天飛多名楚鵲暮枝急
無數河魚春水肥歸去文昌門外井紅桃香露滴
人衣

臨川四夢掩抑金元而牡丹爲最然非知音未易
度也故詩云傷心拍板無人會自拈檀痕教小伶

鄒德溥

字汝光號泗山安福人萬曆進士官洗馬著有雪
山草葡萄吟嘗遊龜山賦七言律云龜峯縮結瀘

溪流撫劍高歌谿水頭天淨潭光寒竹塢雨餘岫
色滿芸樓漁磯燈火蒼龍夜賈舶風烟白鴈秋最
愛惠連能卜勝不知疊爵久淹留

樊良樞

暮春登臨王閣云樹杪清暉澹欲流幽蘭杜若滿
芳洲波翻白鳥澄江淨地湧青蓮隔岸浮蝴蝶似
酣春草夢鷓鴣空訴落花愁最憐今古豪華盡簾
捲歸雲靜倚樓又滕閣懷古云層樓睥睨漢家墉
百二關河帶礪封鹿放西山回萬乘劍留南斗避

雙龍沉烟極浦通朝曙濺水空潭激夜春最是秋
江漁籟穩數聲遙和翠微鐘明太祖平陳友諒會
幸南昌開宴滕王閣命諸儒酣飲賦詩翼日存恤
窮民放友諒所蓄白鹿于西山詩中頸聯指此

良樞號致虛進賢人萬曆甲辰登第官陝西右轄
袁懋謙

豐城人萬曆進士官兵科給事中渡彭蠡有詩云
鄱湖百丈鎖蛟宮向夕颿飛廣莫風雲裏匡廬看
出歿天邊日月挂西東三江水漲銀河接萬里潮

迴鐵甕通此地一經龍戰後千年人識帝圖雄

聞雷元亮有廬嶽之遊賦寄云十載匡廬夢白雲
望來真氣卻疑君山空月冷舒猿嘯洞僻苔深散
鹿羣幾派江光浮杖底兩孤霞色亂峯紋陶潛慧
遠俱寥落醉並何人倚夕曛

楊惟休

其羣從哀其詩集屬進賢熊人霖伯甘選而序之
序畧云豐城楊叔度詩祖北地標峻而旨和五七
言近體尤見工力乃四十年來里耳習于細音不

甚稱道其集亦散漫少存至今而虞山頗引邵竟
陵之序然後陳伯璣行其七十首于詩慰而叔度
之墓木已合抱矣叔度子仲開詩有父風

以明經官保定判編秦昌日錄忤魏闈意矯詔追
燬褫革竟暴卒然錄中載三案顛末甚悉乃信史
也伯甘云此其浩然之氣不與北地忤劉瑾埒哉

劉鐸

字侗初安福人萬曆進士工詩文書法出守維揚
時魏璫焰熾鐸嶽嶽不少俛牢騷憤疾之意每見

于詩璫方大興羅織然猶慕鐸才名會有僧與璫
狎出扇求書且道璫意欲得書鐸聞大笑爲疾書
三咏語多刺譏璫悲諷其黨以謗訕逮竟斬西市
臨刑高吟末云龍逢比干在泉下此去相逢面不
慚論者以爲有椒山先生之風

鄒元標

過金竹坪贈續芳禪師云卓錫廬山第一峯遠山
迴合翠千重攤經石上雲羆虎洗鉢江邊雨化龍
夜倚禪心涵水月時聽僧籟韻溪松遙知怖鴿祝

齡處更泛靈泉路幾重

新建諸生葉維青妻魏氏年十九而孀苦節自矢
南臯嘉之錫詩曰一別良人歲月侵孤燈永夜伴
寒衾年年止有西江月獨照春闈不二心

字爾瞻吉水人萬曆進士官左都御史謚忠介

陳邦瞻

字德遠高安人萬曆進士歷官兵部侍郎

荷華山放歌云憶昔仙人駕象來芙蓉萬疊洞門
開元風翕歛播靈境紫氣恍惚通蓬萊藥爐丹竈

知無用絳節羽衣紛徘徊雙泓窈窕貯瑤碧紅白
蓮花相對開竒葩異萼香噴薄太華玉井相崔嵬
石壇漠漠仍千載仙馭泠泠去九垓靈幢寶蓋不
復見道人遊客心空哀我昔童穉負竒骨拂衣有
志凌塵埃自料紅顏生羽翰何須姹女結貞胎百
年此事雖如夢翻飛朝夕白雲臺北尋崎嶇訪華
蓋卻笑杜子非仙才

熊化

字仲龍清江人萬曆進士以行人賜一品服出使

朝鮮國人好其文翰曰得熊君片紙勝十斛明珠也後姜新建再銜命往競問化起居有賦詩寄懷者云殷勤寄語清江老白髮相思又十年

鄭邦福

號鐵耕上饒人萬曆進士南太僕卿有青巖山一絕云薰風長日遶迴廊飯後尋僧納晚涼自歎俗緣猶未竟襟裾空帶積厨香

鄭以偉

字子器邦福從子崇禎壬申以宗伯入閣謚文恪

著有靈山藏諸集

題鯉洋云鯉洋堪入龍眠畫更恐憂深圖不窮菰
蒲釣艇雨聲外橘柚人屋炊烟中經年憶此江水
綠有客未返山花紅京邸裁書寄小院庭柯無恙
予將東

靈山在信州城西北有七十二峯高七千餘丈文
恪公詩云靈山七十二面面生竒峯如琢亦如削
或開玉芙蓉

公居第在沙溪西距郡城三十里嘗有詩云履聲

新輟北門扉詔許沙溪薜荔衣

猶子大璟字芟尹著有縞夜堂冲妍堂漏月園念
一廬鴈門樓諸集

周獻臣

字窾六臨川人萬曆進士嘗作窾詩五十首四方
傳誦弇州荆石皆以建安黃初推之爲部曹年未
強仕卽免歸刻意著述家置大瓿數百抄撰羣籍
網羅古今奇言異事鈎新搜僻成一書曰鴻乙通
葉向高相國上于朝收入秘閣其他編著又數百

卷云

華嚴堂絕句云草色長曇陰禽言秋梵唄一磬已
無生浮雲遶天外一香徑凍霾雲禪關寒白日說
法到無聲天花雨六出

文昌菴云法幢

及聲

風初定禪關盡日留晴濤虛閣

影靜樹入江流鳥窺香飯鉢雲度梵經樓寥寥人
境外清磬出林幽

擬峴臺云江臺初見五城樓檻外江聲繞郭流極
浦寒雲迷遠樹空汀明月照孤舟山亭揮塵烟霞

色水國懷人葭莢秋此日登臨成逸壖百年生事
在滄洲